

Yayasan Peneraju lahir 20,000 bakat Bumiputera cemerlang

→ Tiga program ditawarkan realisasi aspirasi, tingkat daya saing penerima pada peringkat global

Oleh Saufi Hamzah
bhnews@bh.com.my

Kuala Lumpur

Setelah genap enam tahun beroperasi, Yayasan Peneraju Pendidikan Bumiputera (Yayasan Peneraju) berjaya membimbing lebih 20,000 Bumiputera dari pelbagai latar belakang menjadi insan cemerlang dan berkeyakinan tinggi.

Melalui Program Peneraju Profesional (pensijilan profesional), Peneraju Skil (pensijilan TVET) dan Peneraju Tunas (program akademik), Yayasan Peneraju menerima cabaran merealisasikan aspirasi bakat Bumiputera agar meningkatkan daya saing pada peringkat global dan seterusnya menguasai ekonomi, selaras arus perdana pembangunan negara.

Seorang penerima faedah Peneraju Profesional, Wan Nor Mafudah Wan Yusof, berkata dirinya sentiasa menerima sokongan padu daripada Ya-



Wan Nor Mafudah
Wan Yusof

yanan Peneraju sepanjang tempoh pengajian sehingga memperoleh pengiktirafan tempat pertama pada peringkat dunia bagi peperiksaan Association of Chartered Certified Accountants (ACCA), khusus untuk subjek Financial Reporting (F7).

Latihan ubah hidup

“Saya harap dengan apa yang saya kecapi, dapat memotivasi pelajar di luar sana untuk terus berusaha. Saya mempunyai aspirasi menjadi antara akauntan Bumiputera bertauliah, sekali gus meningkatkan bilangan golongan terbabit yang hanya sekitar lapan peratus daripada 20,000 akauntan bertauliah di Malaysia.

Muhammad Fajrul Omar Muhamad Ridzuan, penerima faedah Peneraju Skil (bidang Open Water Scuba Instructor) pula berkata, latihan ditawarkan Yayasan Peneraju berjaya mengubah hidupnya. Ketika kejatuhan minyak dan gas yang teruk, beliau tidak mendapat pekerjaan di dalam



Ketua Eksekutif Yayasan Peneraju Pendidikan Bumiputera, Raja Azura Raja Mahayuddin menyerahkan Anugerah Pelajar Terbaik kepada Fawwas pada majlis graduasi The Rising Star Award 2018, baru-baru ini.

industri itu, tetapi minat terhadap kerjaya di laut. Selepas menjalani program instruktur skuba dibawah kelolaan Yayasan Peneraju, Fajrul menjadi jurulatih skuba pada usia 22 tahun serta memulakan perniagaan menerusi syarikat Blackpearl DiveTeam.

“Selepas dua tahun berkecimpung, saya bersama dua lagi rakan kongsi meneroka bidang minyak dan gas, dan menawarkan perkhidmatan kerja komersial di bawah air seperti *underwater inspection, underwater welding and cutting* yang diberi nama Blackpearl Subsea,” katanya yang juga Pengurus kepada Scholars of Yayasan Peneraju for Transformation (ShYFT), kelab alumni penerima faedah Yayasan Peneraju.

Penerima faedah Peneraju Tunas (yang memberi peluang kedua kepada bakat Bumiputera dari latar belakang mencabar), Fawwas Abdul Rani berkata, tajaan dan bimbingan Yayasan Peneraju membantunya

mempertoleh Ijazah Sarjana Muda Sains Pertanian dari Universiti Putra Malaysia (UPM) dengan PNGK 3.80.

Bangun pencapaian anak golongan asnaf, yatim

Beliau kini seorang Pegawai Teknikal di All Cosmos Industries Sdn Bhd dan pernah menerima Anugerah Pelajar Terbaik dalam majlis graduasi The Rising Star Award 2018 untuk penerima faedah Program Tunas Potensi, baru-baru ini.

Selain itu, program di bawah Peneraju Tunas iaitu Peneraju Tunas Azam menyasarkan anak golongan asnaf dan yatim agar dibangunkan pencapaian mereka, dari segi pendidikan dan pembangunan insaniah.

Penaja pula turut berpuas hati sepanjang menjalin kerjasama dengan Yayasan Peneraju.

Yayasan Peneraju menyasarkan seramai 40,000 penerima faedah bagi ketiga-tiga program teras yang ditawarkan menjelang 2020.